

quam alio, indicet; merito præmittimus verba, sensumque, & explicationem, quam hunc ad locum copiosius exposuit, ut qui cupimus, quæ ipsius, de sessione Jesu Christi in dextra Dei, sententia sit & declaratio, cognoscere. Non tamen ideo non erunt conferendæ, quas locis etiam diversis, dedit vel succinctorum expositiones, vel clariores.

§. 3. Hic ergo, celebris inter Pontificios, interpres, Commentarii sui in Epistolas Paulinas, pagina 637. cum exponere vellet: *quomodo hic & alibi in scriptura & Symbolo dicatur Christus sedere, an re ad dextram Dei?* hæc subjicit: *Sappono, sedere, hic non sumi proprie: nam hæc esset exilis Christi dignitas. Imo potius in cælo videtur stare Christus, quam sedere; stare enim visus est a Stephano, Actor. VII, 56. & hic situs magis naturalis est homini, decetque valentem & beatum; sessio vero competit homini ob fatigationem. Omissa ergo Anthropomorphitarum heresi, qui Deum corporeum esse dicebant, & Christum corporaliter ad ejus dextram sedere &c. Idem tamen Comment. in Act. VII. p. 147. explicat, Christum dici stare, 1. quia hic situs est naturalis corporis valentis & gloriosi &c. 2. stat quasi miles & dux, cum, & pro Stephano pugnaturus contra Judæos &c. Ferunt Alexandrum Magnum prandere solitum ad tibias, cumque tibicines mutato tono delizioso bellicum intonarent, subito arreptum sine sensu corripuisse lanceam; quod evidens erat indicium pugnacis animi & virtutis imperatoria. Longe verius Christus in cælo empyreo deliciis affluens, suorum fidelium rebus & luctis ita intendit, ut simul ac increpauerit luctantium clamor, illiso a deliciis assurgat ad arma. Stat ergo hic armatus omnipotentia sua, ut Stephanum Judæis insuperabilem reddat. 3. stat Christus quasi advocatus, & quasi sacerdos Stephanum in martyrio, quasi victimam & holocaustum suavissimum Patri oblaturus &c. 4. stat quasi agonotheta, ut animam Stephani victoris cum triumpho excipiat &c.*

§. 4. Poteramus his, & recensendis, & discutiendis, supersedere, quando certum est utrinque, atque positum extra controversiam, *sedere*, proprie & naturali modo, non dici Christum in dextra Dei, regnumque potius, & dominium, hac voce & phrasi, ostendi. Miscet tamen multa Cornelius, quæ vel non cohærent, vel etiam, sedente in dextra Dei Christo, indigna sunt.

Resp. 1. Suis enim ipse videtur somniis delectari. 1. Non *sedet* proprie, quia